

առաքեցին երիցունս Բ եւ զոմանս նմանիս իւրեանց ի Ձէքմէճէն՝ տալ արզուհալ վէզիրին թէ Զպատրիարքն սպանանող այսքան ոգիք են, որ ընդզիրմացան նմա եւ հակառակեցան հրամանի քում, եւ զտուգանս մեզ կրել տան. դատաստան խնդրեմք ի քէն: Վասն որոյ արգիլէր զՌուհիճան և զայնս առ իւր ի կալանս երկաթեօք: Եւ այլք ի Պալատցոց ընդ նոցա եղին և զհարեղայ Թումային յարուցին յայս գործ: Թէպէտ և նալ ունէր առնելիք, բայց երկնչէր՝ զի մի եւ ինքն մեռցի ի ձեռաց նոցա, զի անողորմք էին: Եւ եղեն չարկամք ԻԳ-իցն Սուրբ Սարգսցիք՝ ունելով զհարեղան ընդ իւրեանս թէ Արեան տէր են նոքա եւ մեք դրամս ոչ տամք: Զի յառաջագոյն յեա սպանման Թումային Ե քսակ պահանջէին Ե եկեղեցին ի Սուրբ Սարգսայ. և նոքա ասէին՝ Մեք զի՞ տացուք. և նոքա ասէին՝ Աւագերիցու կայ կնիք մի եւ իշխանի միոյ: Եւ նոքա ասեն՝ Հոգիք նոցին մի՛ մնացեն ի նոսին, տացեն նոքա: Եւ բազում կռիւ լինէր եւ ազմուկ. զինէին, կովէին բազում երթեկուծեամբ առ զայմախամսն, և արք ոմանք Բ քսակ կտրեցին զի տացեն, եւ այնու եւս ոչ կամեցան, այլ փակէին զժամատեղն. ոչ մատչէր պատարագ, ոչ լինէր աղօթս, այլ բնաւ կովոյ տեղիք եւ թէատրոն չարութեան: Եւ յորժամ եկն վէզիր, ետուն արզուհալ բազումս, այնքան՝ մինչ զի ի բարկութիւն շարժեալ վէզիրին ըմբռնեաց կալաւ ի քահանայից եւ յիշխանացն ասացելոց Ը ոգի եւ եղ ի բանտս գբոյ մահապարտաց, վասն զի երթային հանապազ ի Տաւութ փաշան եւ ի Քեհատխանան մեծաւ զուարճութեամբ, ուր կայր բանակ Տաճկաց: Քանզի եթէ նոքա ի յաջ գթեցան՝ եթէ զհերձուածող սպանանեմք եւ զչար, եւ սոքա՝ եթէ արեան տէր սոքալ են, պարտիս որ սոցա հախէն գաս. գթելով սոքա այսպէս ի ձախ: Եւ հարեղայ Թումա-